

三門仔洲西面兩小島，魚塘堤壘連岸，背景為濬西洲



鷄洲北望

圖、文：陸尚恒

## 西貢嶼影之七

濬西洲東北端海面，有大島曰大頭洲，此洲形如一鉤，東西及北三面有兩直一橫之水道分隔糧船灣，濬西洲及元五墳半島，故此區水域稱三門仔，北首及東首水道上無礁石小嶼，西首則有大小礁嶼十數，其中兩島較大，分佔南北兩處，南島稱鷄洲，北島不知何名。姑名之為三門仔洲，各島之約略情況見後：

### 大頭洲

大頭洲與濬西及糧船灣兩島相距約四百碼，北去元五墳半島亦四百碼許，東首五百碼外為萬宜淡水湖之西壩，島形如一大頭鉤，西短而東長，西半長八百多碼，東半則倍之，橫面約為四百碼，島西海面小嶼成羣，島中一灣深入，灣內為石灘，山均高百呎以上，多亂墳，灣外有礁排，排南為鷄洲，其間海面有養魚棚，為近年新興之漁民行業，海灣西端岬角偏西處舊有半圓小灣，漁民築堤成塘，以育魚苗，作海中魚場之輔。

此島主峯高二百多呎，在島東，副峯高百六十呎，在島西，兩峯隔灣對立，西峯陟斜，



南坡則較平緩，主峯南延成一長脊，盡處爲一礁石平灘，西距鷄洲百四十碼。

全島均有長草，山脊高低起伏，有小樹，主峯佇立，可盡覽萬宜水庫西首景象，往昔官門水道未閉，糧船灣洲西北角海面有大小島嶼四座，今時則惟見大壩，再無島踪，島北山脊風化地帶頗多，陋墳遍地，荒寂而有陰森之氣，每令遊人急步而過。

### 鷄洲

鷄洲島形扁長，東西二百碼，南北百三十碼，最高處爲七十六呎，在島中偏東，全島多長矮樹雜草。東、南岸均陟直，西坡則較平復，可縱走，環岸多岩石。

島之北首有兩長形礁排，似續實斷，共長二百多碼，離岸四十碼許，礁排黯黑低矮，高不過八九呎。


此洲海面波平浪靜，北首大頭洲一灣深入，近年因漁民將海灣闢爲漁場，故海上一片興旺。

### 三門仔洲

此島形如海馬，頭東尾西，背上負一小崗，潮退相連，水漲則離裂，島長近百四十碼，寬七十多碼，主島有南北兩崗，北崗高卅七呎，南崗高卅五呎，中段下陷，茂草密樹阻道，不能通走，北崗北首山坡爲岩石，易上落，南崗向南部份山脊平順，草樹較疏，有一大墳，西北角外爲連陸小崗，崗頂多矮樹。

島西近灣西洲岸邊有兩小洲，一高廿三呎

# 近地形圖



，一高十七呎，近年由漁民以石堤連接岸邊，築爲魚塘，且於堤上標示告示牌，禁止闖入。三門仔洲之南北海面，另有兩堆礁石排，南礁高十五呎，水退時範圍頗大，可登遊，北礁較低矮，只有十呎左右，水下散排極多，不易泊舟登臨。

